



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

CCXXIX. Sixtus V. Anno Christi 1585. Rodulphi II. 9.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

Potest apud Pagi Seniore ad an. Ch. 357
num. 17. apud Junioem in Vita ejus-
dem S. Felicis II. num. 2. & in Respon-
sione Patris Papebrochii erroribus sibi
oppositis à Patre Sebastiano à S. Pau-
lo, in Responsionibus ad art. 11. §. 16.

CCXXIX.

SIXTUS V.

ANNO CHRISTI 1585.

RODULPHI II. 9.

Tertio die, postquam Cardinales
conclave ingressi fuerant, VIII.
Maji anno 1585. datus, qui præes-
set Ecclesiæ, *Felix Perettus* Cardina-
lis à Montealto è Franciscana fami-
lia, qui Sixti IV. ejusdem Ordinis
Pontificis memoriam renovare cu-
piens, *Sixti V.* nomen assumpsit. (1)
Is nihil medium, sed immensa omnia
volvebat animo. Japoniorum Prin-
cipum Legatos, quamdiu Romæ
morati sunt, basilicè habuit, dimisit-
que donatos magnificè. Henricum
Borbonium Navarræ Regem, & al-
terum Henricum ejus Patruelem
Principem Condeum, in hæresim re-

Spond.
an. 1585.
§. 14. 15.
17.

Ppp 4 lapsos

lupos, & Hugonotorum in Gallia
duces anathemate damnatos spolia-
vit jure successionis in Regnum, eo-
rumque imperio subjectos fidelitatis
Sacramento solvit, ac sententiæ in
ipso latae promulgationem omnibus
Regni Episcopis imperavit. Henri-

An. 1586. co pariter III. Francorum Regi, ob

§. I. 5. necem Duci, & Cardinali Guisii fra-

12. 13. tribus illatam, interdixit sacris. In

An. 1587. Elisabetham quoque Angliæ Regi-

§. I. 2. nam, quæ Mariam Stuartam Regi-

An. 1588. nam Scotiæ post duodeviginti anno-

§. 19. 21. rum carcerem obtruncari jusserat, &

30. 31. Catholicos crudelius in dies insecta-

An. 1589. batur, anathema integravit, præna

§. 10. eâdem sancitâ in omnes, qui sub Re-

gno ejus essent, si ei obtemperarent.

S. Bonaventuram adscripsit Ecclesiæ

Doctoribus, & S. Antonii Patavini

memoriam voluit *Officio duplici* cele-

brari. Cardinalium numerum præfi-

nivit, mandans, ut crearentur se-

ptuaginta duntaxat, sex Episcopi,

Presbyteri quinquaginta, & Diaconi

quatuordecim, atque ex iis insignes

viri in sacra Theologia magistri ex Regu-

laribus, & Mendicantium Ordinibus sal-

tem quatuor, non pauciores. (2) Con-

gre-

gregatione Inquisitionis confirmatâ, alias quatuordecim instituit, maximo totius Christianæ Reipublicæ ac ditionis Ecclesiasticæ commodo atque utilitate. (3) Conversus hinc ad Dei cultum & Urbis decus augendum. Utrumque præstitit fastigio imposito Basilicæ S. Petri, Templis magnificentiùs instauratis, sacris Bibliis Latinis Græcisque restitutis AN. 1590. S. 18. 19. priori pristino, Xenodochiis ædificatis, Fontibus deductis, viis stratis, obeliscis, 5) statuis, columnis erectis, (5) Vaticanâ Typographiâ & Bibliothecâ magnificentissimè constructâ & exornatâ. Hinc nova visa Urbis facies. In Æde Liberiana sepulchrum S. Pio V. à quo in Cardinalium collegium cooptatus fuerat, beneficii memor operosum ac nobile extruxit, corpusque ejus ex Templo S. Petri intulit magnâ pompâ. Duos equos insignes è Pario marmore, sed injuriâ temporum ac Cæli admodum mutilatos, qui inscriptionibus Phidias & Praxitelis nomina præferunt, in monte Quirinali rarâ artificum industriâ refici jussit, & Palatium ibidem, quod Pontifices per nimios æstus se-

P p p 5 cede-

redere consueverunt, ampliavit. Lau-
 etum donavit jure Civitatis, civit-
 que mœnibus, translato in eam
 Recanatensibus Episcopatu, ac Tem-
 plum B. Mariæ Virgini religione fre-
 quens splendidissimum erexit, mul-
 tisque donariis & ornamentis deco-
 ravit. His verò allisque operibus
 adeo sumptuosus (6) tantum abest,
 ut ærarium hauserit Apostolicum, ut
 etiam quinquagies centena nummum
 aureorum millia reposuerit in Arce
 Hadriana, præsidium ut essent in sum-
 mis periculis adversus Christiana re-
 ligionis hostes. (7) Hoc Pontifice
 nulla in Urbe, nulla extra Urbem la-
 trocinia fuere, nullæ rapinæ, nulla
 cædes, nullæ insidiæ, rara admodum
 aut omnino occulta meretricia & ad-
 ulteria; tuta omnia: eratque illa ri-
 xosis & improbis hominibus com-
 munitis vox: *Memento, Sixtam adhibere
 vivere.* (8) Pontifici tanto æneam
 statuam in Capitolio posuere Roma-
 ni, fixeruntque sub ea tabulam, mo-
 numento ut esset rerum gestarum.
 Ecclesiam administravit annos quin-
 que, menses quatuor, ac dies tres. Exces-
 sit enim anno 1590. VI. Kal. Septembr.
 post

post annum vitæ nonum & sexagesimum, Pontifex splendidissimi & severissimi imperii.

ANNOTATIONES.

(1) Van-Espen Juris Ecclesiastici part. 2. tit. 7. cap. 4 §. 21. *Primus, qui Jubilæum indixit in initio suæ assumptionis ad implorandum Dei auxilium pro bono regimine Reipublicæ Christianæ, videtur fuisse Sixtus V. qui mox à sua ad Pontificatum assumptione Bullam Jubilæi publicavit, exstatque in Bullario tom. 2. pag. 490.*

(2) Constitut. 50. §. 9. Vide Van Espen Jus Ecclesiasticum Universum Part. 1. tit. 22. cap. 1.

(3) Constitut. 74. Congregatio 1. pro S. Inquisitione. 2. pro Signatura gratiæ. 3. Pro erectione Ecclesiarum & provisionibus Consistorialibus. 4. Pro ubertate Annone Status Ecclesiastici. 5. Pro sacris Ritibus & Ceremoniis. 6. Pro classe paranda & servanda ad Status Ecclesiastici defensionem. 7. Pro Indice librorum prohibitorum. 8. Pro executione & interpretatione Concili Tridentini. 9. Pro status Ecclesiastici gravaminibus sublevandis 10. Pro universitate studii Romani. 11. Pro consultationibus Regularium. 12. Pro Consultationibus Episcoporum, & aliorum
Præ-

Praelatorum. 13. *Pro Viis, Pontibus, & aquis curandis.* 14. *Pro Typographia Vaticana.* 15. *Pro consultationibus negotiorum status Ecclesiastici.*

(4) Omnium maximus in Vaticana S. Petri area statutus est, basi magnificentissime impositus industria admirabili Domini Fontanæ, & *Cruci invictæ* à Sixto V. consecratus.

(5) Trajana & Antoniana operis admirandi. Primæ B. Petri, secundæ B. Pauli statuas æreas, auratâsque imposuit.

(6) Summatim describuntur à Thuanò Historiarum sui temporis lib. 100. §. 8. tom. 5. pag. 14.

(7) Vide Sixti V. constitutiones 31. 69. 80.

(8) Constitutione 6. innovavit constitutiones omnes à Pontificibus prioribus editas contra facinorosos homines, eorumque fautores.

CCXXX.

URBANUS VII.

ANNO CHRISTI 1590.

RODULPHI II. 14.

URBANUS VII. Romanus, qui antea *Joannes Baptista* Cardinalis *Castaneus* dicebatur, anno 1590. XVII. Kal. Octobr. ad summa Sacerdotii proventus est. Post dies tredecim VI. Kal.

Spond.

an 1590

}. 20.